



**KEMENTERIAN PERDAGANGAN DALAM NEGERI DAN HAL EHWAL PENGGUNA**

**GARIS PANDUAN PERMOHONAN**

**KEBENARAN PDA 1**

**MENGUSAHAKAN STESEN MINYAK/ STESEN MINYAK  
MINI/ *PORTABLE CONTAINER SYSTEM (PCS)/ SKID TANK/  
FLOATING BARGE***

## ISI KANDUNGAN

<b>BIL.</b>	<b>KANDUNGAN</b>	<b>MUKA SURAT</b>
1.0.	Tujuan	3
2.0.	Tafsiran	3
3.0.	Syarat-Syarat Am Permohonan Baharu	6
4.0.	Syarat-Syarat Kebenaran PDA	8
5.0.	Keperluan Naziran	9
6.0.	Tempoh Kelulusan	9
7.0.	Fee dan Kaedah Pembayaran	10
8.0.	Tatacara dan Makluman Am	10
9.0.	Penyerahan Kebenaran PDA dan Lesen CSA	10
10.0.	Carta Alir Proses	12
11.0.	Senarai Semak	13
12.0.	Pertanyaan Lanjut	17

## 1.0 TUJUAN

Garis Panduan ini disediakan untuk menjelaskan tatacara permohonan Kebenaran PDA bagi aktiviti mengusahakan Stesen Minyak/ Stesen Minyak Mini/ *Portable Container Systems (PCS)*/ *Skid Tank*/ *Floating Barge* di Malaysia.

## 2.0 TAFSIRAN

- 2.1 “Stesen Minyak” bermaksud sebuah kemudahan yang menjual bahan api dan pelincir untuk kenderaan bermotor.
- 2.2 “Stesen Minyak Mini” bermaksud stesen minyak dalam skala yang kecil dari segi modal, tapak perniagaan dan beroperasi di kawasan-kawasan luar bandar atau pedalaman bagi kemudahan penduduk luar bandar dan juga mendapatkan bekalan bahan petroleum daripada syarikat pembekal minyak mengikut zon kawasan operasi syarikat pembekal yang telah ditetapkan Kerajaan.
- 2.3 “*Portable Container System (PCS)*” bermaksud stesen minyak mudah alih bagi pembekalan bahan petroleum secara sementara yang ditempatkan di kawasan-kawasan yang dibenarkan oleh Kerajaan.
- 2.4 “*Skid Tank*” bermaksud tangki yang mengandungi bahan petroleum diletakkan di atas tanah atau di atas sebarang platform.
- 2.5 “Bumiputera” ialah penduduk asal sesuatu tempat. Perlembagaan Persekutuan (Perkara 153) memberikan hak-hak istimewa kepada orang Melayu dan Bumiputera.

- 2.6 “Modal Berbayar” ialah modal yang telah dibayar oleh pemegang saham syarikat.
- 2.7 “Modal Kerja” ialah modal yang dikeluarkan bagi membiayai belian tunai.
- 2.8 “Syarikat Pembekal Utama bagi stesen minyak” meliputi Petronas, Shell, Petron, Caltex, BHPetrol, Xcel, Five Petroleum Malaysia Sdn. Bhd. dan SEDC Energy Sdn. Bhd.
- 2.9 “Syarikat Pembekal Minyak Mini” meliputi Buraqoil, Smart, dan Teguh.
- 2.10 “*Company Owned, Dealer Operated (CODO)*” ialah stesen yang dimiliki oleh syarikat pembekal minyak dan diusahakan oleh pengusaha yang dilantik oleh syarikat pembekal minyak.
- 2.11 “*Dealer Owned, Dealer Operated (DODO)*” ialah stesen yang dibiayai dan dimiliki sepenuhnya oleh individu atau syarikat yang mengusahakan stesen minyak tersebut.
- 2.11 “Generasi Kedua” ialah anak kandung kepada pengusaha sedia ada stesen minyak tersebut dan dibenarkan untuk pengecualian syarat ekuiti Bumiputera bagi permohonan ambil alih stesen minyak tersebut.
- 2.12 “Naik taraf pemilikan stesen dan penempatan semula (ambil alih)” ialah pengusaha yang ditawarkan syarikat pembekal minyak secara CODO untuk mengambil alih stesen minyak lain atau mengusahakan stesen minyak baharu.
- 2.13 “Stesen Minyak Bergerak” ialah kaedah penjualan minyak secara runcit menggunakan lori tangki berdasarkan permintaan di mana bahan petroleum dihantar secara terus kepada pelanggan.

2.14 “Kawasan Luar Bandar” ialah kawasan yang berada di luar daripada kawasan bandar seperti yang telah ditakrifkan oleh Jabatan Perangkaan Malaysia dan kawasan yang berada di luar kawasan operasi Pihak Berkuasa Tempatan (PBT).

Kampung dalam kawasan bandar (PBT) yang mempunyai penduduk kurang dari 10,000 orang tetapi di luar daripada kawasan operasi PBT adalah termasuk di dalam definisi luar bandar.

Selain itu, kawasan luar bandar juga termasuk kawasan penempatan peneroka, estet, dan kampung baru yang terletak di luar kawasan operasi PBT.

### 3.0 SYARAT-SYARAT AM PERMOHONAN BAHARU

3.1 Syarat –syarat am adalah seperti jadual di bawah:

Syarat	Stesen Minyak Berjenama Penuh	Stesen Minyak Mini	Portable Container System (PCS)	Skid Tank
Modal Berbayar Minimum (Sdn. Bhd)	RM 200,000	RM 50,000	RM 50,000	N/A
Modal Kerja Minimum (Milikan Tunggal/ Perkongsian/ Pertubuhan/ Koperasi) <i>*seperti amaun yang tertera di dalam penyata akaun bank syarikat</i>	RM 200,000	RM 50,000	RM 50,000	RM 50,000
Jenis Pemilikan	<p><b><u>CODO</u></b></p> <p>1. Milikan Tunggal : <b>100% dimiliki oleh Bumiputera</b></p> <p>2. Perkongsian/ Sendirian Berhad:</p> <p>- <b>Minimum pegangan ekuiti 30% Bumiputera.</b></p> <p><b><u>DODO</u></b></p> <p>- <b>Tidak tertakluk kepada pegangan ekuiti Bumiputera</b></p>			
Ekuiti Asing	<b>TIDAK DIBENARKAN</b>			
Tempoh Kelulusan (Maksimum)	<b>5 Tahun</b> (tertakluk kepada pertimbangan Kementerian)			

3.2. Bagi permohonan ambil alih **stesen minyak oleh generasi kedua** secara CODO, permohonan tersebut **DIKECUALIKAN** daripada keperluan ekuiti Bumiputera.

3.3. Bagi pengusaha yang ditawarkan untuk mengambil alih stesen minyak lain (CODO), di mana stesen minyak tersebut merupakan stesen minyak kedua dan seterusnya bagi pengusaha tersebut,

**permohonan berkenaan perlu mematuhi syarat 30% ekuiti Bumiputera** dan mendapat sokongan daripada syarikat minyak.

- 3.4. Permohonan untuk mengusahakan *skid tank* hanya dibenarkan bagi pembekalan bahan petroleum di bawah seliaan Lembaga Kemajuan Ikan Malaysia (LKIM).
  
- 3.5. Permohonan secara bertulis bagi mengusahakan stesen minyak secara *babysit* perlu dikemukakan kepada Cawangan Petroleum dan Gas, KPDNHEP oleh syarikat minyak dengan melantik pengusaha yang berdekatan stesen minyak tersebut. Kriteria penilaian bagi permohonan *babysit* adalah seperti berikut:
  - a) Kesyinambungan bekalan bahan petroleum di kawasan tersebut;
  - b) Jarak stesen minyak yang terdekat; dan
  - c) Tertakluk kepada kriteria tambahan yang ditetapkan oleh Kementerian.

#### 4.0 SYARAT-SYARAT KEBENARAN PDA

- 4.1. Kebenaran PDA ini **tidak boleh dipindah milik** tanpa kebenaran daripada KPDNHEP;
- 4.2. Kebenaran PDA ini hendaklah **dipamerkan** dengan jelas di premis perniagaan yang telah diluluskan;
- 4.3. Pemegang Kebenaran PDA ini perlu **mendapatkan kelulusan KPDNHEP sebelum membuat sebarang pindaan** mana-mana bahagian atau melakukan sebarang perubahan di dalam struktur syarikat sama ada dari segi ekuiti, lembaga pengarah, hak milik, syarikat pembekal, dan sebagainya;
- 4.4. Pemegang Kebenaran PDA ini perlu mengemukakan permohonan pembaharuan kebenaran PDA, **tiga (3) bulan sebelum** tarikh tempoh tamat;
- 4.5. Pemegang Kebenaran PDA ini perlu mengemukakan dengan **lengkap dan tepat** apa-apa maklumat penjelasan yang diminta oleh KPDNHEP;
- 4.6. Pemegang Kebenaran PDA ini **tidak akan mengambil apa-apa tindakan undang-undang atau menuntut ganti rugi** dari mana-mana pihak sekiranya Kebenaran PDA tidak diperbaharui atau dilanjutkan atas sebab-sebab kecuaiian dan kegagalan pemegang Kebenaran sendiri;
- 4.7. Pemegang Kebenaran PDA ini wajib mengikut syarat-syarat yang ditetapkan dan telah **mendapat kelulusan KPDNHEP secara bertulis sebelum membuat sebarang promosi** berkaitan



barangan di stesen seperti alamat yang tertera di dalam Kebenaran PDA ini;

**4.8.** Pemegang Kebenaran PDA ini diwajibkan **mematuhi semua syarat** Kebenaran PDA yang ditetapkan dari semasa ke semasa oleh KPDNHEP dan mematuhi mana-mana undang-undang di Malaysia dan tidak menjalankan aktiviti-aktiviti yang bertentangan dengan mana-mana undang-undang itu; dan

**4.9.** Kebenaran PDA ini akan **dibatalkan apabila ada pelanggaran** mana-mana syarat-syarat di atas atau peruntukan-peruntukan di bawah Akta Kemajuan Petroleum 1974 atau mana-mana perundangan kecil dibawahnya atau mana-mana undang-undang yang berkuatkuasa di Malaysia;

## **5.0 KEPERLUAN NAZIRAN**

Kementerian berhak melaksanakan naziran ke atas syarikat pada bila-bila masa tertakluk kepada keperluan.

## **6.0 TEMPOH KELULUSAN**

Permohonan baharu dan pembaharuan (tanpa sebarang pindaan maklumat) akan diproses dalam tempoh tujuh (7) hari bekerja di atas talian (sistem BLESS 2.0) tertakluk kepada dokumen lengkap yang diterima Kementerian.

## 7.0 FEE DAN KAEDAH PEMBAYARAN

Bayaran **bagi** Kebenaran PDA adalah RM25.00 untuk satu (1) tahun **manakala bagi** Lesen CSA adalah RM10.00 untuk satu (1) tahun **menggunakan** kaedah pembayaran secara atas talian (*online*) menggunakan portal Maybank2U.

## 8.0 TATACARA DAN MAKLUMAN AM

- 8.1. Pemohon dikehendaki mengemukakan permohonan baharu dan pembaharuan melalui atas talian di laman sesawang BLESS 2.0 (<https://bless2.bless.gov.my/bless2>) dan memuat naik dokumen-dokumen sokongan di dalam sistem.
- 8.2. Permohonan yang dikemukakan melebihi tempoh enam (6) bulan tanpa sebarang maklum balas daripada pemohon **DIANGGAP TERBATAL DENGAN SENDIRINYA**. Pemohon perlu membuat permohonan baharu menerusi sistem BLESS 2.0.
- 8.3. Bagi permohonan pembaharuan, **kelewatan memperbaharui Kebenaran PDA melebihi satu (1) tahun** daripada tarikh tamat tempoh Kebenaran PDA menyebabkan Kebenaran PDA dengan sendirinya terbatal dan pemohon perlu mengemukakan permohonan baharu menerusi sistem BLESS 2.0.

## 9.0 PENYERAHAN KEBENARAN PDA DAN LESEN CSA

9.1. Bahagian ini akan mengeluarkan pemakluman secara emel kepada pemohon setelah Kebenaran PDA dan Lesen CSA sedia untuk diambil. Pemakluman *Licence Collection and Payment* di dalam sistem BLESS 2.0 tidak boleh digunakan untuk membuat pembayaran dan pengambilan Kebenaran PDA dan Lesen CSA di kaunter.

9.2. Berikut merupakan kaedah pengambilan Kebenaran PDA dan Lesen CSA yang dibenarkan:


1. Serahan di kaunter:

- i) Permohonan baharu : Hanya pemilik atau pemegang saham syarikat dibenarkan untuk mengambil Kebenaran PDA;
- ii) Permohonan pembaharuan:
  - Pemilik atau pemegang saham syarikat atau wakil syarikat minyak dibenarkan untuk mengambil Kebenaran PDA. Wakil syarikat perlu mengemukakan surat wakil (dokumen asal) ;dan
  - Salinan kad pengenalan wakil untuk mengambil Kebenaran PDA.

2. Melalui wakil sah yang dilantik oleh syarikat pembekal minyak.

9.3. Kebenaran PDA dan Lesen CSA yang telah siap hendaklah dituntut oleh pemohon dalam tempoh **30 hari** daripada tarikh pemakluman dibuat atau Kebenaran PDA boleh **dibatalkan kerana tidak dituntut.**

**10.0 CARTA ALIR PROSES PERMOHONAN KEBENARAN PDA DAN  
LESEN CSA**



## 11.0 SENARAI SEMAK

11.1. Permohonan baharu Kebenaran PDA dan Lesen CSA bagi mengusahakan Stesen Minyak/ Stesen Minyak Mini/ *Portable Container Systems* (PCS) / *Skid Tank* dan *Floating Barge*:

BIL.	DOKUMEN
1.	<p><b><u>Syarikat Sendirian Berhad</u></b> Cetakan penuh maklumat syarikat (SSM) yang terkini (tiga (3) bulan daripada tarikh permohonan).</p> <p><b><u>Milikan Tunggal/ Perkongsian</u></b></p> <p><b>1. Sabah</b> Salinan <b>Borang B</b> beserta maklumat pemilik yang <b>terkini</b> – Pendaftaran Perniagaan</p> <p><b>2. Sarawak</b> a) Salinan <b>Borang 1</b> (Seksyen 5, 23, dan 24(2)) - <b>Form 1</b> b) Cabutan Pendaftaran Nama-Nama Perniagaan <b>terkini</b></p> <p><b><u>Koperasi/ Persatuan/ Pertubuhan</u></b> Salinan Sijil Pendaftar Koperasi/ Perakuan Pendaftar Persatuan/ Pertubuhan beserta butiran maklumat pemilik/ ahli Lembaga Pengarah.</p>
2.	<p><b>Surat sokongan syarikat pembekal</b> yang ASAL &amp; TERKINI (enam (6) bulan daripada tarikh surat sokongan dikeluarkan) yang dialamatkan kepada Ketua Setiausaha, KPDNHEP. Surat sokongan tersebut perlu menyatakan:</p> <p>a) Alamat stesen minyak adalah <b>SAMA</b> dengan alamat di Lesen PBT;</p> <p>b) Menyatakan dengan jelas status pemilikan syarikat (CODO/ DODO);</p> <p>c) Kuantiti simpanan yang diluluskan Jabatan Bomba dan Penyelamat Malaysia (JBPM);</p> <p>d) Syor tempoh kelulusan Kebenaran PDA dan Lesen CSA; dan</p> <p>e) ditandatangani oleh penandatangan yang SAH (<i>authorized signature</i>) syarikat pembekal.</p>

BIL.	DOKUMEN
3.	Penyata akaun bank ( <i>bank statement</i> ) bagi satu (1) bulan <b>TERKINI</b> atas nama syarikat ( <i>trade name</i> ). Bagi syarikat berstatus selain Sendirian Berhad, pemohon perlu mengemukakan penyata akaun bank dengan baki tidak kurang RM50,000.
4.	Salinan Lesen Perniagaan daripada Pihak Berkuasa Tempatan/ Surat Kebenaran daripada Pihak Berkuasa Tempatan yang masih sah.
5.	Surat sokongan ASAL daripada Jabatan Bomba dan Penyelamat Malaysia.
6.	Kebenaran PDA dan lesen CSA yang asal / salinan pemilik stesen terdahulu (bagi ambil alih stesen minyak sahaja).
7.	Surat Kelulusan Tapak Pembangunan Stesen Minyak/ <i>Portable Container System</i> (PCS) Baharu daripada KPDNHEP Putrajaya.
8.	Surat sokongan Lembaga Kemajuan Ikan Malaysia (LKIM) bagi permohonan mengusahakan <i>skid tank</i> .

**11.2. Permohonan pembaharuan Kebenaran PDA dan Lesen CSA**  
 bagi mengusahakan Stesen Minyak/ Stesen Minyak Mini/ *Portable Container Systems (PCS)/ Skid Tank dan Floating Barge:*

BIL.	DOKUMEN
1.	Salinan Kebenaran PDA dan lampiran pemegang saham yang dikeluarkan bersama Kebenaran PDA
2.	Salinan Lesen CSA
3.	Cetakan TERKINI SSM (Semenanjung Malaysia) / Borang B – Pendaftaran Perniagaan (Sabah) / Form 1 – Cabutan Pendaftaran (Sarawak) / Salinan Sijil Pendaftar Koperasi/ Perakuan Pendaftar Persatuan/ Pertubuhan beserta butiran maklumat pemilik/ ahli Lembaga Pengarah.
4.	<p><b>Surat sokongan syarikat pembekal</b> yang ASAL &amp; TERKINI (enam (6) bulan daripada tarikh surat sokongan dikeluarkan) yang dialamatkan kepada Ketua Setiausaha, KPDNHEP. Surat sokongan tersebut perlu menyatakan:</p> <ul style="list-style-type: none"> <li>a) Alamat stesen minyak adalah <b>SAMA</b> dengan alamat di Lesen PBT;</li> <li>b) Menyatakan dengan jelas status pemilikan syarikat (CODO/ DODO);</li> <li>c) Kuantiti simpanan yang diluluskan Jabatan Bomba dan Penyelamat Malaysia (JBPM);</li> <li>d) Syor tempoh kelulusan Kebenaran PDA dan Lesen CSA; dan</li> <li>e) Ditandatangani oleh penandatangan yang SAH (<i>authorized signature</i>) syarikat pembekal.</li> </ul>
5.	Lesen Perniagaan Pihak Berkuasa Tempatan (PBT) <b>yang terkini</b> di bawah kawasan seliaan PBT berkenaan.
6.	Surat sokongan ASAL daripada Jabatan Bomba dan Penyelamat Malaysia.

## 12.0 Pertanyaan Lanjut

12.1 Sebarang pertanyaan lanjut bolehlah dikemukakan kepada:

Pengarah Kanan

Sektor Barang Kawalan dan Subsidi

Kementerian Perdagangan Dalam Negeri

Dan Hal Ehwal Pengguna (KPDNHEP)

Aras 4, No. 12, Persiaran Perdana, Presint 2

62623 PUTRAJAYA

Seksyen Pelesenan Petroleum

Bahagian Kawal Selia Petroleum

Emel	Telefon
<a href="mailto:najibzakuan.ali@kpdnhep.gov.my">najibzakuan.ali@kpdnhep.gov.my</a>	03 – 8882 7099
<a href="mailto:aqilah@kpdnhep.gov.my">aqilah@kpdnhep.gov.my</a>	03 – 8882 5871
<a href="mailto:nuramira@kpdnhep.gov.my">nuramira@kpdnhep.gov.my</a>	03 – 8882 5837
<a href="mailto:syauqi@kpdnhep.gov.my">syauqi@kpdnhep.gov.my</a>	03 – 8882 5898
<a href="mailto:fariha@kpdnhep.gov.my">fariha@kpdnhep.gov.my</a>	03 – 8882 6989
<a href="mailto:imranhanafi@kpdnhep.gov.my">imranhanafi@kpdnhep.gov.my</a>	03 – 8882 6991
<a href="mailto:jaunaqistina@kpdnhep.gov.my">jaunaqistina@kpdnhep.gov.my</a>	03 – 8882 5924

**Seksyen Pelesenan Petroleum**  
**Bahagian Kawal Selia Petroleum**  
**Sektor Barang Kawalan dan Subsidi**  
**KPDNHEP**  
**Julai 2022**